



# ՄԱՍԼՈ ՀԱՂՈՐԴԱԳՐՈՒԹՅՈՒՆ

31 հունվար, 2018թ.

Երևան

## **Շիրակի մարզի ՔՀԿ ներկայացուցիչներին ներկայացվեց հասարակական կազմակերպությունների վերաբերյալ օրենսդրական փոփոխությունները**

«Հասարակական կազմակերպությունների մասին» նոր օրենքի և դրանում արված վերջին փոփոխությունների մասին այսօր Գյումրիում դասընթաց կազմակերպվեց Շիրակի մարզում գործող գործող քաղհասարակության կազմակերպությունների (ՔՀԿ) ներկայացուցիչների կողմից:

Տեղի ունեցած քննարկում-դասընթացը կազմակերպվել էր Եվրամիության կողմից ֆինանսավորվող «Կառուցողական երկխոսության հանձնառություն» ծրագրի շրջանակում: Օրենսդրական նորամուծությունները ավելի քան 15 ՔՀԿ ներկայացուցիչներին ներկայացրեց ծրագրի ինկուբատորների համակարգող Մարատ Ատովյանը: Միջոցառման մասնակիցների հիմնական մասը կանայք էին:

«Բավականին մանրամասն տեղեկություններ ստացանք նոր օրենսդրության վերաբերյալ: Հիմա աշխատում եմ կանոնադրության փոփոխման վրա ու բավականին նշումներ արեցի, որոնք կարող եմ ներառել դրանում: Կարևոր էր ձեռնարկատիրությամբ զբաղվելու, ՀԿ անդամներ ներգրավելու, և աուդիտ անցնելու կարգը,-» ասաց «Ախուրյան» երիտասարդական ՀԿ նախագահ Լևոն Իգիթյանը:

Ինչպես նա, այնպես էլ մասնակիցներից «Ագաթ» հաշմանդամություն ունեցող կանանց իրավունքների պաշտպանության ՀԿ ներկայացուցիչ Ռոզա Ավագյանը նշեցին, որ նորություն է եղել աուդիտի անցկացման վերաբերյալ դրույթները, մասնավորապես, որ հանրային միջոցներից 5 միլիոն դրամից ավելի ֆինանսավորում ստանալու դեպքում պետք է պարտադիր աուդիտ անցկացվի և դա պետք է արվի ՀԿ միջոցներով:

Մարատ Ատովյանը ներկայացրեց նաև «Կառուցողական երկխոսության հանձնառություն» ծրագիրը, որի հիմնական նպատակը Հայաստանում ՔՀԿ-ների ազդեցության ուժեղացումն է հանրային քաղաքականությունների մշակման գործընթացում:

Դասընթացի ավարտից հետո Մարատ Ատովյանը պատասխանեց հարցերին ու հայտնեց, որ ՀԿ գործունեության վերաբերյալ ծրագրի շրջանակում իրավաբանական անվճար խորհրդատվություն ու օգնություն է տրամադրվում:

Եթե Դուք նույնպես քաղաքացիական ակտիվիստ ե՞ք և ցանկություն ունեք իրավաբանական աջակցություն ստանալու, ապա դիմեք մեզ [info@armla.am](mailto:info@armla.am) հասցեով՝ առաջիկա դասընթացին գրանցվելու և իրավաբանական խորհրդատվություն ստանալու համար:



Մրագիրը ֆինանսավորվում է Եվրոպական միության կողմից:

Իրավաբանների հայկական ասոցիացիա

Եվրահանձնաժողովը ԵՄ գործադիր մարմինն է: Եվրամիությունն ունի 28 անդամ երկիր, որոնք որոշել են աստիճանաբար կապակցել իրենց նոու-հաուն, ռեսուրսներն ու ուղիները: 50 տարվա քնդարձակման ժամանակահատվածում նրանք միասին ստեղծել են կայունության, ժողովրդավարության ու կայուն զարգացման տարածք՝ պահպանելով մշակութային գանձառությունը, հանդուրժողականությունը և յուրաքանչյուրի անկախությունը: Եվրամիությունը հանձնառու է կիսել իր ձեռքբերումներն ու արժեքները իր սահմաններից այն կողմ գտնվող երկրների ու ժողովուրդների հետ:

Հայաստանում Եվրոպական միության պատվիրակություն

Հասցե՝ Նալբանդյան 7, բն. 2 Երևան, Հայաստան, 0010

**«Կառուցողական երկխոսության հանձնառություն»** ծրագիրն իրականացվում է ԵՄ ֆինանսավորմամբ՝ «Իրավաբանների հայկական ասոցիացիա» ՀԿ-ի կողմից գործընկերներ «Ագորա Մենթոր Յուրոփ» ՀԿ-ի (Չեխիա), «Ժողովրդավարական կրթության հայկական կենտրոն-ՄԻՎԻՏԱՍ» ՀԿ-ի, «Մարդկային զարգացման միջազգային կենտրոն» ՀԿ-ի, «ՓՄՁ Համագործակցության Ասոցիացիա» ՀԿ-ի և «Հայաստանի համայնքների միություն» իրավաբանական անձանց միության հետ համագործակցությամբ:

Ծրագրի նպատակն է մեծացնել քաղաքացիական հասարակության կազմակերպությունների (ՔՀԿ) և դրանց կոալիցիաների/ցանցերի ազդեցությունը հանրային քաղաքականության մշակման գործընթացի վրա: Սա հնարավորություն կտա կազմակերպություններին (ովքեր արդեն իսկ աշխատում են թիրախային կոալիցիաներում) ձեռք բերել նոր ռեսուրսներ, քաղաքացիական փորձագետներին միավորել և խրախուսել իրենց մասնակցությունը տեղական և ազգային քաղաքականությունների օրակարգի ձևավորմանը, հատկորոշել ընդհանուր խնդիրներն ու առաջնահերթությունները և դիմել կառավարությանը՝ կառուցողական և ռազմավարական քաղաքականության վերաբերյալ նախաձեռնություններով:

Ծրագրի շրջանակներում ենթադրամաշնորհներ կտրամադրվեն ՔՀԿ-ներին և ՔՀԿ-ների կոալիցիաներին, որոնք կուղղվեն հանրային քաղաքականությունների զարգացմանն ու կունենան շոշափելի արդյունքներ 9 թիրախային ոլորտում, որոնցից են արդարադատությունը, կրթությունը և բիզնեսը:

**Իրավաբանների հայկական ասոցիացիան (ԻՀԱ)** ստեղծվել է 1995թ.-ին: ԻՀԱ-ի առաքելությունն է նպաստել Հայաստանում իրավունքի գերակայության, ժողովրդավարության և քաղաքացիական հասարակության կայացմանը, որտեղ բնակչությունը իրագեղ է, իսկ նրա իրավունքները՝ պաշտպանված: Մինչև 2016 թ. փետրվար ամիսը ԻՀԱ-ի անվանումն էր Հայաստանի երիտասարդ իրավաբանների ասոցիացիա:

Լրացուցիչ տեղեկությունների համար կարող եք դիմել աշխատանքային օրերին՝ ժամը 9.00-18.00; հեռ.՝ 540199; ֆաքս՝ 580299; URL՝ <http://www.armla.am>, <http://ccd.armla.am>, էլ. փոստ՝ [info@armla.am](mailto:info@armla.am):



Ծրագիրը ֆինանսավորվում է Եվրոպական միության կողմից:

Հայաստանում Եվրոպական միության պատվիրակություն

Հեռախոս՝ +37410 54 64 04

Իրավաբանների հայկական ասոցիացիա

Հասցե՝ Նալբանդյան 7, բն. 2 Երևան, Հայաստան, 0010

Հեռախոս՝ +37410 54 01 00

Եվրահանձնաժողովը ԵՄ գործադիր մարմինն է: Եվրամիությունն ունի 28 անդամ երկիր, որոնք որոշել են աստիճանաբար կապակցել իրենց նոս-հաուն, ռեսուրսներն ու ուղիները: 50 տարվա ընդարձակման ժամանակահատվածում նրանք միասին ստեղծել են կայունության, ժողովրդավարության ու կայուն զարգացման տարածք՝ պահպանելով մշակութային զանազանությունը, հանդուրժողականությունը և յուրաքանչյուրի անկախությունը: Եվրամիությունը հանձնառու է կիսել իր ձեռքբերումներն ու արժեքները իր սահմաններից այն կողմ գտնվող երկրների ու ժողովուրդների հետ: